

金
山
集
再
續
集

龕山續集序

吳興嚴胤肇修人

昔人有言文章以氣爲主夫詩與文一也而今言詩家往往較短長爭工拙於字句音響之間以爲苟能是是亦可以無憾矣試問其中之所以勃然而來沛然而往喤然而鐘呂鳴淒然而風雨至如怨如慕欲泣欲歌而不能自己者誰爲爲之曰不知也此之不知而自附於能詩吾不知於古宜風宜雅之旨何若也蓋孟子所云不得於言勿求於心不得於心勿求於氣此天下之通患也而於今之號能詩者爲甚龕山先生少以詩名天下篇什旣衆類焉自放若絕無意爲詩者及一再讀之乃知其以真至醇樸之氣發之爲優柔平中之聲悠然

與古太始之音無相遠蓋先生之才自有過人者而其氣足以達之且夫古之能詩者其初皆非有意於爲詩也其氣積乎其中而溢乎其外悲愉感憤浩歌淋漓有不知其所以然而然者辟之空山絕壑本非有聲忽而大風鼓之怒號洶湧陵谷爲之動搖草木爲之吟嘯豈非氣之所至聲亦隨之而彼所爲不得而勿求之氣者果何說之遵而若是歟先生爲人拓落有大志旣與世寡所合遂耽其好於詩詩日多而家日以落意甚得也已而負笈行游千里命駕歷齊魯吳越燕趙中州之墟其所經閱山川偉麗雲樹蒼茫風物之變遷賢豪之晉接羈人思婦之愁歎酒徒劍客之慷慨有槩於中一皆於詩發之故其爲詩疎疎莽莽不拘一格而景象萬千

余固知先生之詩不以才勝而以氣勝也噫亦雄矣余亦素有詩癖者然委靡慵惰不敢以望風雅之末班故於序先生詩而原其得於養氣者如是且因以自勉也

題龕山先生續集

渭北孫枝蔚

看似尋嘗最奇崛成如容易却艱難龕山詩合荆公語
輕薄兒曹莫浪彈

京口談允謙

因誦荊公憶白公歎君命與古人同不教才展休明代
爲罰詩爭造化工

陽羨陳維崧

字字精工費剪裁篇篇陶冶極悲哀白家老嫗休輕誦
曾見元和藁本來張文潛以五百金買香山稿本見其
竄改塗乙幾不存一字蓋其苦心如
此

春雨春陰又幾朝他鄉寒食總無聊把君丙午詩千卷
龕山續集

吟過城南丁卯橋

時同客潤城

蘭陵鄒祇謨

懸知杜老是前身待與香山作後塵平淡盡從攻苦得時賢未許鬪清新

君詩字字到空靈易解寧煩老嫗聽自有太美元酒味何曾珍重五侯鰣

梁溪錢陸燦

壬子同年作者同陶公杜公與白公若修歲譜兼詩譜又記念山江以東

陶公冲澹杜公雄白傅天然造化工此筆千年誰伯仲
還將半格問方公白氏長慶集有格詩半格詩余會問之先宮保未詳其義

讀君已午兩年詩澹直悲涼信有之不是苦吟爭得到

晚年須惜數莖鬚

意盡言窮是至言誰于言外意猶存知君妙解文章味
掩卷如聞仔細論

近來詩卷擅千秋櫟下官高爾止遊何事同生壬子歲

竟無一字學崔劉

周櫟園侍郎與爾止俱壬子予亦壬子白香山詩云何事同生壬子歲老

于崖相及劉郎

新安方 熊

龕山夫子擅風騷丙午詩篇體更高正是蘇公絢爛極
勿因平淡妄訾謾

遊蹤新返自南徐購得先民龜鑑書今古丙丁應不錯
隆中抱膝意何如

余謂山叟先生像

壬子

山人一來字明農號漁瀨西又忍冬草少才如
不羈無老來心似漫凋松藏身自合堅兼卜潤
世誰知魚與龍課板藥囊君醉笑時誇行酒尚
容光未白頭戴笠蓋盡三著臨端木袖生鐘



金山續集

往游草西江游係辛丑詩是接壬寅以訖已酉續集先生自贊地

皖桐方文爾止著

壻繡水王槩安節訂

五言古體

送吳錦雯歸杭州

以下壬寅年作

我友官吳門數月卽解組良以性高岸不言事樞僂兼之病風眩復不耐勞苦去官意甚適如鹿歸林藪只有一恨事才子奄羈旅旁人且辛酸何況爾慈父哀痛幾失明三年不出戶今夏稍稍瘳揚舲至江渚訪我哺雛軒累夜共深語花前酒一盃燈下愁千縷每爲嗣息憂欲取金陵女女頗有機緣君却無資斧悵然空歸去臨去又延佇云當八月初干謁往南浦雖有賢主人其地甚貧窶所願未必諧奔波亦何取勸君早入都一官猶

可補此番須折節力疾趨公府小有三徑資汲汲返園圃著書與生兒允矣傳千古

送從兄水厓歸里

吾兄有才子

明淵子
謂也

年少挺風節不受纖塵汚皎皎如

冰雪興文復高妙吐詞多激烈其詩數百篇盡是蔓弘血斯世豈能容蘭蕙先秋折海內同心人聞之皆痛絕何況白頭親焉能免嗚咽屏跡深山中年將躋大耋仲夏渡江來了不畏炎熱精力尚強健神明更聰哲觸事成謳吟夜分猶未輟孟秋復歸去留戀意難別相約冬春間重來話淒切幸搜明圖詩吾當授剞劂庶爾父子名異代永不滅

徐月鹿水部署中喜遇八弟退谷

秋田分手時汝云去苔雪便道往西陵地主頗不乏豈
知吳興返卽至天妃牕中路逢使車交情夙所洽遂邀
入官舍清江過殘臘春艸旣萋萋秋風又颯颯良以膠
漆堅故有水乳合我來自金陵蕭然一飄衲念汝覽停
舟卽欲之濟潔使君聞我來倒屣爲延納榷關事紛紜
夜夜共壺榼淮水多嘉魚兼之有鱗蛤每飲必霑醉笑
謔忘其狎君言黃河邊兵馬正駁還須待其船過慎勿
與之雜莫愁資斧微區畫自有法前年到浙東曾分金
一匣今歲到淮陰其意更周匝感此未忍行况與汝同
榻且坐竹窗間吟聲互相答

賦得萬里一歸人贈張虞山

虞山老詩人秉性和而介雖貧懶出門從未入都會一

朝萬里游直至炎海外爲有同袍者謫居非其罪安忍
辱弱軀孤征獨狼狽欣然別妻子長途共行邁問歸未
有期北風吹衣帶豈知往與還只在二年內瘴癘不能
侵兵戈不能害所歷多險艱身心竟安泰各有詩百篇
清音發天籟却笑楊子雲終年守闌閣

贈劉山臞學憲

吾友愚山子往歲官山東施尚白也詞場擅風雅六藝能兼
通以此訓多士聿興鄴魯風接踵良不易乃有山臞公
攀芳自楚澤藻鑑懸秋空所以海岱間二老稱宗工今
我來歷下試事君已終是誰道姓名枉駕先蒿蓬文章
夙相慕臭味欣然同明旦卽嘉招醉眠官舍中出其五
鳳雛一一爲世雄家學旣淵藪問道于穎蒙野人何所

知感歎意無窮

贈于念劬右藩

有客江東來道逢徐拾遺

徐子星也停舟飲我酒問我何所

之我行指泰山泊舟于南池因往歷下亭故人曾與期
君言于使君宣化乃在茲欲寄尺素書輕裝安敢辭使
君雅好客久已聞聲思此去得握手傾倒非一卮歷城
富山川趵突泉尤奇羣公多暇日或可相追隨

重登岱作

昔我游泰山山南無不歷惟餘黃花洞僻遠未搜剔今
我重來游先訪山北石越嶺十五里果見千仞壁其下
有深洞陰冷泉欲滴危樓撫萬松霜柯鬪寒碧始覺玉
女祠背面分喧寂詩人林與鍾茂之伯敬題詠猶有蹟其他

登岱者此景罕能覲我輩獨流連回嶺日將夕尚想雞鳴時東峯觀海赤那知天色改寒威侵枕席曉起視階除大雪已盈尺

投書碑

先儒胡安定篤好此山水結廬在南礪讀書信爲美下帷將十年竟不歸鄉里家人寄書來投之于礪底恐亂我心曲勿使聞于耳所以學既成天下稱夫子我來訪遺跡高山勤仰止南礪宛然存書堂久已毀重建表師儒責在州刺史

贈曲憲章州守

岱宗五嶽長諸山無比倫其中青帝居穆穆朝百神凡民得游者夙世皆有因何況守茲土定爲列仙人前歲

我來此曾與刺史親開尊屬初夏菡萏何鮮新今年重
來此雲蒸當秋旻刺史念舊交淡夜飲我醇行將乘五
馬作郡東海濱邀我臨淄游不辭分俸頻

酒是時陞
青州守

贈孔輔垣上公

前年謁孔林乃偕趙司李停車僅一日游觀未盡美欲
見衍聖公倉皇無暇晷至今以爲愧馳思曷能已頃自
歷城歸迂道來闕里仰瞻尼防山俯瞰洙泗水因得觀
明公私心頗自喜聞公嗜風雅下筆煙雲起遠近咸稱
之簪纓莫與比予亦老詩人所願執鞭弭

早春喜程崑峯別駕見訪卽送其還潤州

以下癸卯年作

靄靄青溪雲濛濛白門雨老夫方荷鋤努力事園圃忽
聞車馬聲衝泥至環堵借問客爲誰潤州程少府少府

我所知海內稱豪賢夙昔誦其文神交十餘年頃者官
南徐欲見尚無緣何期先枉顧握手情歡然旦日剪畦
蔬相約梅花下荷君不遐遺日中催命駕高懷頽嵇阮
新詩凌鮑謝所恨春雨繁把酒未終夜江干雨初歇君
卽放扁舟我有虞山期暮春亦東游取道于京口言登
萬歲樓索酒來官齋與君重唱酬

和鼎實刺史渡江見訪賦此送之

和子官彭城數月以憂去尚未歸朔方先問江南路江
南何所爲有友夙相慕鼓棹一訪之握手懽如故我愧
非其倫高情焉敢負明旦治杯酒與君話情憮君復趨
江船汲汲返爪步此意竟蕭條何年得重晤服闋仍補
官領州來近處尊酒細論文後期當不誤

癸卯三月十九日潤州客舍同潘江如小飲述懷

四十韻

與君定交初乃在乙酉春是時楊貴竹開府京江濱其性頗好客客來多俊民史邢暨萬宋才華更清新日夕造君廬披豁任天真君尤篤愛我相對但含顰私憂南國亂汲汲謀隱淪遙指鷺脰湖水鄉風俗淳從無兵燹患樂彼漁樵人三月十九日先皇之忌辰同登北顧山仰首號蒼旻野老或見憐朝士反見嗔俄而江北岸鼓角聲振振君先挈妻子湖邨依所親我亦攜小婦追隨爲比鄰此地旣幽僻可以長垂綸君復有遠圖舍我游越閩三歲始歸來道路罹百屯我適無所爲賣卜潤城闉一見喜欲狂茅屋共宵晨曾將賣卜錢買酒醉千巡

無何江上別東西各風塵彈指十二年迴若吳與秦已亥黃河邊邂逅疑有神因過范生宅連牀話經旬贈答非一篇相期係松筠別後又五載聞君家益貧田園被侵奪賦稅猶在身寄居荒山中妻子行負薪癸卯春三月京江重問津維舟卽相訪奇窮果無倫顚毛種種白顏面黑且皴破帽與敝衣何減百結葛况當十九日言之鼻酸辛仍往北顧山亂石迷荆榛旅人不敢上一慟何繇申是夕返我寓呼童采江蘋取酒酌燈前心曲難具陳回思廿年事惘如夢中因夜半作此詩龍鍾淚沾巾

訪談長益村居見其子太平因寄此詩

六年不相見時時勞夢魂此番客京口準擬傾一尊豈

知我未來君先去都門相思仍相訪直至城南村有子
才八歲眉目秀且溫正與鄰舍兒從師讀魯論是誰教
養之皆其嫡母恩乃翁好遠游北風吹蓬根年老筋力
衰何苦道路奔勸君早歸來妻孥共朝昏

萬歲樓送春詩

同集者南昌彭躬庵仁和周兼三吳江顧茂倫
長洲程杓石施又王江寧陳翼仲皮以立寶應
朱監師金壇高芝侯丹徒潘江如吳襄宗張季
昭陳尊已李木仙諸子是爲癸卯三月晦日

潤州富山水靈異鍾江邊金焦與北固三峰秀娟娟其
間諸梵刹古跡何紛然俯視城中山月華當西偏上有
萬歲樓剝自東晉年軒楹甚弘敞登眺多名賢王孟暨

皇甫三子詩尤傳

王昌齡詩江上題萬歲樓孟浩然詩萬歲樓頌故鄉皇甫冉詩高樓

直上思依依我今來潤州假館得一椽朝夕坐樓頭滿目皆

雲烟故人攜斗酒就我開芳筵所招無俗客風雅相攀
緣不忍送春歸爛醉東風前薄暮下樓去執手仍流連
謂言今日聚曷可無詩篇予僭爲首唱羣公屬和焉

喜遇顧茂倫程杓石施又王卽送又王入燕

揚帆石頭城弭楫京江口駕言之吳門入山訪我友我
友翩然來不先亦不後中道忽相遇驚喜爲之久各言
懷思淡安忍便分手此間暫延佇河橋折新柳金焦北
固山一一可覽取日暮還寓齋千錢沽美酒爛醉曷敢
辭良晤似非偶試看明鏡中次第皆白首施君興獨豪
結束將北走未知燕昭臺果有知己否朔風吹黃沙滿

面多塵垢不如早歸來逍遙事南畝

再遊焦山

匡山以續著嚴州以光名二公皆寒士千古垂英聲乃知山水性弗以人爵榮我今登焦山緬懷焦先生蜩廬僅容膝獨往棲柴荆鄰火延其居露處了不驚斯人胸臆間寧復有世情所以京江上名與匡嚴併

周鼎製甚古傳自成康時其中史籀文與異人不知或言嘉靖初曾有盜竊之將以獻權相卒爲吏所持仍歸此寺中當有神明司至寶不可名撫摩惟嗟咨

前日游茲山先從西北始仰首三詔巖遺蹤乃在此下尋瘞窟銘一半沈江水其字久剥蝕隱隱猶可指程君雅好事重刻使不毀是以今日游先到東林裏旣讀全

銘文然後覘水底書法與文詞庶幾盡厥美

山形如伏龜昂首向東北勢欲浮滄海大沙爲之塞松
寥二小山似爲所卵翼招提百間屋乃隱其肩側古木
覆重陰炎暑無日色不登絕頂處焉知在水國

常州護國寺

昔者蘇玉局雅愛陽羨居積錢四十緡城南買一廬夜
聞老婦哭立地焚券書子身還毘陵囊篋了無餘假館
顧氏園浩氣歸太虛相傳護國寺往來亦停車山門三
大字筆法何蕭疎俗工屢刻畫神情失其初斯人不可
見百世垂令譽我今寓此寺懷古增欷歔

贈趙止安先生

往歲南蘭城卜居斜橋側與君爲比鄰一見如舊識君

乃巖上松霜根自天植我亦澗下泉涓涓有寒色氣類
本相同所以交不忒別後十餘載鬚毛各已斑聞君中
蜚語賣卜江淮間又聞謁孔林因之登泰山君去我適
來無緣共躋攀音覩雖云疎魂夢時相關今年往吳會
泊舟西郭外入城卽訪君且喜身猶在閉戶授生徒聊
以供粗糲對食常不飽沈憂結肝肺苦節良足珍其餘
復何慨

訪王雙白太平寺

夙昔游三吳與君僅一面雖未結綢繆脈脈荷深眷白
下遇剩公首問吳中彥爲言松栢姿可以傲霜霰及公
東游時果與君交善別來十七年世事百千變何幸白
頭翁此日重相見况有惲與楊仲升蓬玉逃名隱禪院三人

本同心好我情不倦無事卽過從村醪佐蔬餌

贈陳其年

君年十四五讀書來南國假館宋氏園乃在青溪側若翁好結交車馬紛如織金沙與秋浦周仲馭吳次尾也左右爲羽翼我隨三子後鼂勉崇令德未幾神京陷天運遂改革周吳俱死難遠近爲悽惻若翁亦履險幸免于戕賊與我丹陽路相逢淚沾臆柰何老遺民中壽不可得使我魂夢勞夜夜見顏色君少挺英姿才名震南北蹉跎二十春所遇何蹇塞今秋逐隊來青溪訪舊識宋園卽我居入門增歎息當時讀書處羣樹是誰植柯葉久凋零惟碩果不食感此鼻酸辛沉吟詎能默

贈董文友

昔我游毘陵與君先子好是時君未弁英風約奇藻偶見其詩文淡歎爲國寶以此稱賞音問業非草草別後十餘年君名日以噪若翁官楚澤謝世亦何蚤掛劍空有期思心愁如擣今夏始相過君壯我已老持盃敬父執痛飲開懷抱涉秋來省試訪我青溪道饑舍爲比鄰晨昏恣幽討况有陽羨生壺觴共傾倒所願羽毛齊雙飛向晴昊

贈孫無言

我友王于一客死于錢塘其子方總角伶仃寓維揚饔飧且不給焉能治親喪賴有貧賤交念此心彷徨爲文告同志募金得數囊送其妻子歸輕舟抵南昌孤櫨免流落附葬先隴旁又搜其遺文以托周侍郎元侍郎爲

梓之皎如白日光吁嗟衰晚士交情逐炎凉生時或欵
密死後鮮不忘誰能似無言高風激穹蒼我昔與王孫
于一獅人唱和八九章合錄一長卷付君爲收藏今來重展
讀雪涕沾衣裳卷末書此詩書罷多感傷

贈孫懷澧

豹人先生之子也

若翁與我友不異親弟昆性情同恬朴氣味如蘭蓀所
以久彌篤白首永不譏二老好爲詩各有千萬言其音
淒以苦聽之傷心魂祇合深山中鐵函埋雲根世人多
忌諱此意誰復論若翁有才子接踵通詞源行將振六
翮凌風上天門溉堂得表章自然貴且尊豹人詩曰
有嶧山艸亦付爾收存敬父及其孰不辭梨棗煩庶幾
讀書種長畱在乾坤斯言爾識之高義古所敦

喜晤吳賓賢郝羽吉汪舟次三子有贈

三子我所思相見昉今日各言良晤艱安忍交臂失明

旦荷嘉招薄暮期促膝因偕同心者

心浦人

步趾過蘭室

把酒無別言羣疑互相質次第出其詩氣韻溫而栗始知三子才今代故罕匹結交何必舊所貴膠投漆秋雨吾欲歸晴冬還復出以後過邗關尋君定非一

書房兵曹儀凡先生傳後兼贈令嗣興公進士

漢有龔大夫義不臣莽新玄纁責其廬僵臥于牀茵力疾拒朝命餓死以成仁宋有謝侍郎賣卜東海濱被脅入燕市上書聊自陳餓死僧舍中不可稍逡巡今聞房司馬亦與龔謝倫羣盜窺社稷至尊以身殉豈有烈丈夫偷生尚爲人寧甘餓而死不欲畱此身伯子負奇才

霜蹄躍風塵與我邗溝上邂逅情獨親因述其先世渥
渥沾巾命作表忠詩持歸勤貞珉

題劍南集

歐蘇文自佳詩却有宋氣不如陸放翁高古同漢魏妙
語發天然比偶亦華蔚所以五百年芬芳猶未旣予夙
愛其詩全稿不易得頃從汪我生借觀喜動色我生因
謂予任意施朱墨他日遺子孫學詩取爲則予攜至艸
堂點閱凡兩遍選其絕妙者手錄成長卷朝夕諷詠之
宛如翁對面還書送一瓻曷足酬淡眷

大水歎

癸卯九月中大水來江右陪京當末流汎濫如海口旣
漲入石城秦淮乃淵藪更穿金陵闢直至我門首牆垣

悉已頽畦蔬復何有羣樹淹且死不死惟楊柳始猶犯
堦庭漸乃逼戶牖牀闌不自保何論井與臼幸有兩小
樓可以容我婦盡室徙其上譬如升培塿俯觀鄰舍人
負戴東西走江南多水田渰沒已八九畝見今冬荒無
處求升斗饘粥且艱辛安望得杯酒臨觴忽不豫嗟歎
爲之久

縱筆

平生無所好寓意詩酒中酒多令人病詩多令人窮愚
者惑斯言智者意能通凡病以酒治詩窮而後工即使
有小害莫敵其大功况我老詩人對客飲亦雄沈酣無
肺疾嘯詠有和風竊比白香山自號醉吟翁

題王元倬先生娛齋

古有馬糞巷鄉邪王所居馬糞何足道因之成令譽我
友南陔子亦于此結廬東偏曰娛齋乃宋比玉書朝夕
處其中享年七十餘奈何逢世難老革來侵予欲爭勢
不敵欲徙還躊躇却有劉生宅與君同里閭君旣棄捐
此善賈而沽諸相去不數步雖徙猶歸與仍取舊娛齋
高懸于庭除問君何所樂貴不忘其初異哉輓近士所
志惟簪裾君獨抱微尚白首甘樵漁勿言老且貧生氣
長凜如嗟彼壯盛者奄奄類曹蜍

喜遇沈仲連先生卽送其南游

往歲客淮陰與君最相狎性情脫畧同言笑莊諧雜所
遇皆酒徒爲歡頗不乏及我游兗州君亦來濟潔方期
入官舍忽復去八闌扁舟溯盱江幕府居三臘是時同

門友正爲廩山衲

無道人

荒年粥飯無幸賴君護法勸君

亦出家君噤未敢答南游不得意北歸意稍洽那知燕

趙間田園盡圈匝妻子長苦飢無處求升合命駕復南

轅珠履向誰跋陶丘有故人便道叩鈴閣適逢我在茲

握手笑盈頰夜深爛熳醉因之共木榻明日便分攜何

時再會合臨別贈此詩霜風氣蕭颯

篇中二字合字義

曹州贈何六惟重

前司空大
瀛先生子

以下甲辰年作

小小客舊京得交君先公先公謬稱我才氣爲士雄是
時君兄弟孩提未成童曾隨太夫人枉駕荒園中別來
三十載音問無繇通今春至曹南訪君蘭桂叢若兄新
計偕驅車上南宮令弟出迎客居然有父風北堂七十
餘眼耳明且聰歷歷記往事垂問及微躬母妻尚在否

久矣歸蒿蓬張燈飲我酒感歎意無窮詰朝我欲別相
送出城東浮雲各千里聚散何匆匆留詩屏宸間真如
雪中鴻

曹南懷古

六首

我來古曹國特爲南華山南華不可見何處容躋攀憶
昔蒙莊子著書于此間取名南華經定知非等閒如何
千載後零落同艸菅侵晨行曠野日暮車空還

衛女嫁諸侯飲餞于禰水禰水在何方曹南三十里我
今問曹人咸莫知所以祇因年代遠陵谷多遷徙南華
且削平濟亦伏地底何況此小川堙廢誰復理

史稱晉公子出亡至曹國曹君不爲禮且觀其駢脣僖
負羈不平厥妻更多識勸夫早自貳盤餐饋之食文公

旣已霸伐曹敢忘德斯人今所無停車三嘆息
范公方霸越脫身遊五湖五湖尚嫌近涉遠爲陶朱陶
在河濟間荒荒但平蕪何以致于金畜牧爲良圖我今
訪遺跡不復存斯須惟餘一陂水曾照夷光無

漢祖起豐沛匹夫爲帝王當其卽位初乃在汜水陽汜
水今何處曹州西南鄉當時必繁盛異代遂荒涼溝塍
無復水村路惟煙霜我欲往游視白艸何茫茫

戚姬小家女歌舞昭令儀旣承天子寵復產如意兒設
令早之國呂后忌稍衰空爲鴻鵠歌終不免誅夷至今
定陶縣姓戚有遺黎問渠往昔事惻焉中心悲

爲從兄繡山六十壽

吾家羣從多雁行踰千指中間賢且貴屢屢三人耳中

永晚學易爻象窺元始世亂隱空山憔悴不復起詹事
好爲詩風雅自矜喜垂老謫邊隅往還萬餘里何如小
司徒蚤歲富文史能遵老氏訓知足復知止五十卽縣
車卜居長千里閉戶謝交游六經教兒子自傷兄弟鮮
愛我同胞似昏日任過從把酒笑相視今年介眉壽壽
者紛如市君獨游棲霞超然出塵滓我亦攜短篋追陪
君杖履仰登攝山顛延望大江水蔬筍佐稱觴爛醉雲
松裏因念羣從中親暱吾與爾但願長結鄰窟髮生覩
齒向後四十年年年醉于此

憶昔行贈湖州守何元長

憶昔戎馬初避兵于笠澤其中隱君子一一皆仙客招
我入煙蘿謂與塵世隔我方攜家至君先已卜宅因之

結比鄰談笑無朝夕正羨菽水歡俄而翁易簷知君抱
沈痛麻衣淚痕赤又復夢炊臼空房餘四壁風雨淒寒
時惟我共蕭槭明年亂稍定東西各有役我歸狎漁竿
君行登仕籍一命授秦關再命出沙磧別離十七載無
繇重接席今君來吳興儼然二千石我適游虞山相去
路咫尺安忍貧賤交富貴遂拋擲仲夏乘輕舸苕溪泛
空碧就君十日飲斗酒當不惜回思笠澤侶俯仰俱陳
跡幸有白頭人挑燈話疇昔

贈程姜若別駕

魏氏好兄弟與我交廿年龍安太守歸盛稱使君賢是
時我游濟亦欲游苕川聞君方佐郡縞綺無因緣栢鄉
寄尺書遠道情纏綿置之懷袖中經歲不得前五月來

海虞始棹吳興船。藕花共蘋葉，別有滄浪天所願。識使君文酒相周旋，勿謂隨陽鳥沾沾爲稻田。

喜遇張則之感舊

昔游潤州城，所友皆名彦。談何暨，潘張四子交尤善。一從兵燹後，十餘年不見。昨歲過京口，準擬君會面。豈知居無廬，寄跡丹陽縣。猶煩惠書札，脈脈荷深眷。今歲來苕溪，邂逅同公醺。驚喜殊過望，握手情畱戀。自言有六宅，五宅兵圈占。僅剩一小園，不足蔽風霰。舉室常苦飢，乞米向親串。我謂君勿憂，世事百千變。大都富貴者，總不如貧賤。況有好兒郎，恢奇人所羨。仲子年十五，秀色更葱蒨。慧業本詩書，閒心及筆研。示我雲峰圖，老眼爲之眩。苕霅富山水，煙波滿芳甸。與君約同舟，游覽興不

倦先上道場山層巒訪僧院

飲李望之齋頭有贈同集者費湘人王微宣葉伯如張子張

吳興古名郡乃在水中央左右茗與雪處處通舟航最妙東南隅所謂蓮花莊紅蕖間綠蒲密柳兼修篁家家有亭榭參差不成行李生本臨安卜居愛此鄉自構室三楹開軒面滄浪擁書千百卷坐臥于藤牀平生四好友費葉暨王張所居亦不遠俱在溪橋旁昏旦輒來過倡和多篇章我今訪君宅四友先在堂因而畱竟日酒脯皆精良不覺爛熳醉歸時路茫茫炎夏寡所適此地寬且涼況有五君子臭味同芬芳以後月明夜小艇還相望茶筭可供客不必謀壺觴或更出城外澗壑恣徜

祥卽事賦新詩懽情詎能忘

錢霏玉孝廉招游白溪朱翁園有贈

大曆十才子乃有錢仲文仲文家箬水故宅城西雲嘉
隆七才子乃有徐子與子與亦箬人幽棲鄰顧渚我今
來此邑論交得錢郎自言仲文後才華亦相當明日荷
嘉招揚舲白溪去朱翁丈人行有園在溪處芙蓉被曲
沼竹篠環疏籬器具皆天然霜根一何奇更上竹間樓
開軒恣遐矚素瓷傳雪岸金罍泛醞醕惜哉老夫病對
酒不能豪况聞雷雨作舟師促歸舠主人旣多情林泉
復多趣欲別還躊躇安得萍長聚新秋涼雨過又買丹
陽船畱詩牆壁間後會期他年

壽蕭伯闇孝廉六十

昔有趙子固隱居震澤澑秉志師柴桑白首臣義熙厥弟子昂氏自苕來訪之君不樂與見杜門使人醉阿嫂啟後戶乃得覩容儀相對無片言仰視浮雲馳子昂有慙色逡巡出茅茨君亦不相送大聲呼童兒汲水洗其坐勿令汚我帷此事雖太刻高風激羣靡今有蕭伯闇亦復類于斯家世輩穀下少小文名垂三十舉于鄉孝友人共推及其遭世變飛遜東海涯十載還南都不復歸京師二弟並榮顯鴻雁翔雲達一官粵郡守一官晉分司俗眼爭羨慕君若罔聞知寧甘飢與寒不受其粒絲餓居窮巷中讀書以自怡古道今罕覲非君孰能爲他年高士傳傳君復何疑孟秋介眉壽令子謀徵詩我與君老友曷敢爲膚詞竊比于子固信美豈阿私當筵

歌此章請君浮一卮

贈黃子威

世人講學者強半皆腐儒智識旣已平言詞亦已膚所以才辨士往往笑其迂孝感黃先生內美何紛吾少小擅文術高名播荆吳兄弟兩三人人稱三鳳雛中年逢世難遺榮不須臾學道入深山却與他人殊易簡陸子靜通博邵堯夫曾作致知解陽明無以逾今秋來南國閻翁與之俱假館市隱園几席纖塵無我數至園中花前傾一壺贈我芙蓉篇題我壬子圖惜我老詞客進我聖人徒自慚年力衰願奉爲師模柰何正繆縕忽欲歸鄱湖江上朔風寒相思各天隅何時還會合握手增悲吁安得共茅檐白首歌農虞

送宗彥寶臣歸新安

吾宗有二彥乃自黃山來其兄富文術阿弟兼詩才酷
好龕山什諷詠心顏開平居費摩擬下筆皆瓊瑰乳山
暨虞山二老爭相推錫以皇甫序俗眼徒驚猜數年游
江東一旦告我廻自言父王父白首棲蒿萊春秋闕省
侍未獲持一杯况有所生兒三歲已成孩客久尚未見
私心亦潔泗歲莫促裝歸不待家人催知爾入門時懽
聲定如雷四代聚斗室此福真奇哉天倫且爲樂勿復
趨塵埃早春若懷人寄我山中梅

喜龔半千還金陵

君本蔣山人久客邗水上上居近蕃釐古屋隱窮巷閉
門何所爲筆墨寄閒曠霜柯挿雲表晴江走夢嶂秀鬚

徐天池取意不取象更妙是詩篇渾樸復雄放素質絕
華藻英姿挺奇狀俗眼豈易識衆口肆誹謗獨予格調
同脈脈心相向所恨隔江水不得共酬唱今年君忽歸
閭里息塵鞅我聞則私喜從此獲親傍汲汲訪君廬握手
道無恙南國昔多賢輓近日凋喪顧張木已拱紀余
又飄蕩幸有之子存居然丈人行老我棲舊京苦吟聲
激壯非子誰與言故欲傾家釀石城路雖遠來往懸拄
杖勿似廣陵時相思但惆悵

夢藥地道人

昔爾高座寺吾偏居里門迢遙隔江水不得共朝昏及
我來南都爾復去江右睽離七八年相思成白首昨歲
寄我詩詩意何纏綿昨夜入我夢夢中更流連小小同

師承老大同志節奈何不同居天涯各風雪

彗星紀異

冬夜讀書罷起行步中庭仰視天宇曠星漢俱杳冥有懷不能寐因之啓柴局忽聞野夫語東方吐異星其大似熒惑其光白且青其尾長二丈其兆主兵刑分野在翼軫三楚恐未寧憶昔戊午歲小子纔七齡曾見昴畢間白氣如刀形占者謂兵象黎元果凋零屈指五十載又見此精靈野夫妄猜度我老難爲聽

送李太虛先生還南昌

昔我遊南州正值黃花節日涉闊翁園談詩真快絕花前一瓢酒淹留至冰雪因共湖蘆灘婁其江上別別後逾三載引領長相思不圖翁南來亦在黃花時市隱古

名園燕集恒在茲風雅推二城此論疑阿私

先生云今代風雅首

推二城謂宣城桐城也

予仲冬去真州

又指婁江路邀我同舟行我辭以寒沴翁去尋復還蹉跎歲云暮歸棹返

彭蠡焉能久停住馳書告我別明日吾將歸相送出河干思心悵依依仰視雲間鴻東西各分飛願言享遐壽

著作垂芳徽

元旦讀陶詩

以下乙巳年作

獻歲發春日焚香坐茅茨手探架上書先得陶公詩讀其命子作弄璋亦何遲顧慚華髮被負影隻立時俯念罪三千莫大於無兒始聞呱呱泣名儼字求思以上六句皆陶

夫人過五十雙鬢始華衰是時才舉子遲莫良可憚得一已爲幸安望其繁滋厥後五男兒紛如瓊樹枝始

願豈及此祚亂各有期五男旣成立皆不好文詞匪真性拙劣乃翁故縱之設令好文墨勢必官彤墀殊乖乃翁意故任其愚癡寥寥千載間此意吾獨知昔有四豚大凋喪無復遺行年至六九尚未夢熊羆歲朝拜祖廟顧影中心悲誰知古人中亦有類于斯往年登泰山占夢固已奇今誦此詩篇欣然爲解頤

惜陰篇

古人有格言寸陰競尺璧我少殊不知歲月輕拋擲荏冉五旬外始知陰可惜努力惟著書篆隸尋古蹟其中韻籀文搜考窮日夕向晦復焚膏盡卷不釋家人咸勸予得無太勞役此中有真味雋永勝膾炙汝輩安足知吾性取自適世間熱鬧事百損無一益有益而無損

靜坐觀羣籍况我所著書亦可垂金石此時雖冷淡異
代當赫奕曷敢懷晏安蹉跎似疇昔

題湯巖夫千文篆冊

我年過半百始知篆隸書匪獨宗秦漢直欲窮古初史
頡與史籀精妙無以逾李斯變小篆遵古則不誣間有
更造者其義便覺膚譬如天地人三字深淺殊我欲取
古篆比勘爲發據撰成一家言功需十年餘所限曹偶
中字學知者無羣疑莫可問掩卷獨長吁遙想宣歎間
老友湯巖夫此道甚明察安得同里居冬春君忽來白
下授生徒閒時過草堂辨難開我愚一朝出此冊鐵畫
銀鈎如近則文衡山遠則李當塗借歸閱十日歎絕非
阿諛但君所學者以秦爲師模尚期參頡籀通博爲名

儒鄙見正如此勿笑其狂迂

寒食日宿掃公房

城西有古寺乃在石頭山南唐李後主避暑於其間所
以名清涼遺蹟猶班班左右兩小阜高樓出塵寰老僧
蓮乘者白首棲禪關厥徒字掃葉詩律夙所嫺世事了
不聞意態長蕭閒邀我寒食日策杖來躋攀春雨喜初
晴不辭行路艱入門見羣樹海棠花正殷花下一杯茗
頓覺開襟顏先是文與龔及先半千坐久尋復還我老怯行
步借榻依草菅燈下閱君詩警句誰能刪

天界寺書懷

老懶惟好睡睡美不可言所恨居城中無端俗事繁侵
晨日未出便聞叩柴門披衣起見客客至如雲屯嘗有

遠來者忍不留一尊遷延過亭午神氣先已昏况復赴
他招主人強盤飧夜闌始歸舍醉臥哺雛軒假寐不須
更又聞鄰雞喧明日復如此歲月空流奔頃乃出南郭
古寺尋松根其中笠山老與我同鄉園借其樓半間先
有黃生存建昌黃子捷竹榻許相連笑語情尤溫爛熳睡終

夜頓覺清心魂詩思如湧泉朕舌誰能捫

攝山紀游六十韻

同王阮亭祠部作

往歲游攝山皆在苦寒時同行者促迫未盡茲山奇今
年夏五月我友王君來相約爲勝游雖熱曷敢辭侵晨
出北郭陰雲蔽炎曦道里三十餘輿夫疾如馳攜手入
山門先閱唐宗碑我聞唐以前更有江總持諸碑取次
閱然後瞻仁祠古杏數百年交柯立階墀東偏舍利塔

隋帝之所治兵燹缺其角塔身尚未虧天界浪杖人藏
蛻亦在茲塔院與並峙信美非阿私徐觀品外泉涓涓
出深池接筭入禪堂可以供衆炊巍巍三石佛雕鏤自
梁隋佛身逾四丈光采何陸離因上千佛嶺大小皆毘
尼中間明月臺平廣如壇墳昔賢明徵君舍宅爲寺基
屢召不出山千古高風垂今爲白雲菴竹樹猶繁滋白
鹿與白乳二泉皆得窺獨惜無高閣爲君表風規振策
上中峰鉅石何纍纍蜿蜒行石上一步一傾欹晚入般
若菴飯疏聊克飢君愛西澗好臨流張其帷向夕雷雨
作颯颯涼風吹昧爽雨色霽東方吐微熹鼓勇匝山腹
石徑多險巇道經天開巖幽篆銘者誰徐鎬諸題名埋
沒無人知旣乃造絕頂彷彿升雲達西南見鍾阜東北

見瓜儀俯瞰黃天蕩烟波浩無涯當時韓蘄王此地陳
軍麾兀术乃大困脫身竄山坡成敗各有天懷古令人
悲日中下山去頓忘筋力疲重登紫峰閣纖毫不冒遺
門外六朝松夭矯虬龍姿造船幾斬伐保全荷佛慈棲
隱合歸此驅車又何之遙指寶華山言訪大律師說戒
最精嚴爲人復平夷是夜宿其廬話言同鍼磁曉起謁
銅殿聖母之所貽山頂有龍湫龍子形委蛇試以手掬
取馴擾了不疑古者豢龍氏想亦類于斯日中又欲別
相送江之濱君舟去淮甸我馬返茅茨浮雲各千里引
領長相思回念金陵游累日得追隨南北凡五峰尋訪
愜幽期觀君作游記序次如列眉持以贈同心不異瓊
樹枝我何以爲報倚櫂吟此詩

立秋日汪叔定季白招同張韞仲飲愛園

江城風雅盛唱和非一人君家好兄弟臭味尤相親
况我所寓居適與芳園鄰園中多竹樹密蔭絕囂塵
今日是何日秋氣方鮮新置酒北樓下嘉招無雜賓射陂隱
君子苦節同松筠與我別離久此會怡心神愛園名甚
佳四時皆陽春春暉被連理懽樂難具陳先是采風者
歌詠何紛綸我老無飾詞鄙樸道其真

贈趙五絃

自君宦嶺表迢遙數千里常憂會晤艱相思隔江水豈
知章門外停棹不須臾出城遂邂逅狂喜無以逾明年
過金陵馳書桃葉渡我方載酒來君卽揚帆去未幾游
東魯聞君在蕪城水閣一握手勿迫仍含情今秋奉使

歸蕪城又相見知我滯窮途分金荷淡眷尋當過江國
白下仍停舟艸堂一樽酒重與話離愁昔憂會晤艱今
覺遭逢易始知同心人不限時與地

別吳野人

我歸白下日君返安豐時安豐大海邊夙昔家于斯今
秋洪水漲白波浩無涯高原數尺深浸淫及茅茨病妻
臥在牀羣兒復啼飢鄰舍寄書來望君歸勿遲此事甚
危急君懷曠若夷反念我窮途買舟無其資力與汪仲
子舟次韻勉相扶持送別出城外握手中心悲天地旣否
塞吾徒合流離寶此風雅身千秋以爲期

喜左又鋟見訪有贈

君去青原山言訪炮莊老

無道人作炮莊書

淹留歷冬春禪學

共探討當機忽開悟曾中竟淵灝便應裂儒冠相從苾
芻好何爲復還家塵緣惹煩惱君言山中僧龐櫬常不
飽終年肉食無形容日枯槁不如授生徒談經弄文藻
吁嗟世變來師道賤如艸欲求賢主人奚啻升蓬島我
夙慕空門脫身恨不早轉多妻女累苦趣逾荼蓼君今
婚嫁畢室又無綦縞青原有同心自合歸三寶性命事
非輕口腹何足道

贖八前一日訪張瑤星松風閣小飲因至報恩寺

訪楊嘉樹復飲達旦卽事得三十韻

今日是何日傾都出城南風俗尚熏塔羣黎聚伽藍燈
光比星月香氣成煙嵐經行雜緇素稠密如春蠶我雖
不好佛勝事亦往探况有張隱君讀書松風庵累月未

相見中懷期共談先登石子岡山徑吾素諳昔者萬松
樹盡爲兵所截僅餘孤幹在其下栽石栱隱君棲此閣
彌勒與同龕風義旣高潔學道尤淵涵富貴非其時窮
賤寧自甘平生嗜米汁雅量容十巔山中未易得終歲
無一酣沒儀周公子雪客似儻稱奇男許以梅花酒醉我
遺氏三及予也元仲璠星尊方見餉索飲諒非貪君復烹魚
鳧間以橘與相斟酌遂忘歸夕陽千嶺含逶迤下山路
始至浮屠陰叶道逢諸子來王左車方望子曹集各攜
衾一擔云當宿僧舍遶塔行相參忽見八九層光輝碧
潭潭皆言舍利子如堵真瞿曇因扣楊生戶驚喜朋盍
簪又復治酒饌寒宵供客餕好事故應爾貧旅何能堪
秉燭待雞鳴言笑樂且耽侵晨各歸去此會知無慙

卽事

古人使癡奴吾嘗疑其矯癡者力有餘才智固短小不如稍才智百事猶可了吾今有三奴二癡而一狡癡者安其愚狡者恃其巧不可爲人下輒欲凌物表間以法繩之僵僵頭不掉始信古人言世故能通曉作詩告後人畜奴如豢鳥鷺鴨勝鷹鶲取其易馴擾

早春寄鄖明府

以下丙午年作

少賤好遠游游蹤老未歇南征歷江楚東泛窮吳越北走燕齊間頻登岱與碣所以十年內竟未歸林樾仰首神明宰流光似秋月照我桑梓墟鑑不遺毛髮衆庶被膏雨奚翅霑溟渤獨有僉山人無緣得趨謁今聞讀禮歸脂車待明發猶復向潘生垂問及巖窟潘生百韻詩

鋪序詳而嚴羣言無以加况我辭拙訥所願彈指頃重
徵向京闕取道鍾山下停舟訪薇蕨嘉會應有期中懷
爲君竭

京口投吳少府

今人讀書者往往不識字字學雖多端莫妙形與意諧
聲卽音律轉注音已備韻籍最精微小篆亦淡至迨夫
分隸變古道始失墜東漢許叔重著書明其義獨惜所
著者尚有未純粹宋元諸君子接踵多擬議遺編數十
種探討良不易賤子白垂髫六書性所嗜磨礱三十年
稍知其一二世無賞音人孰可爲鼓吹頃游潤州城韓
翁過旅次夜^叔爲言吳少府此道甚淵邃曷往與公談必
能辨同異顧我山澤臞干謁非素志倘公清燕暇不吝

咫尺地飲以酒三升從容發吾秘

禊日風雨孫豹人陳其年相約登金山不果是夜

有作

春游鐵甕城旅况甚蕭索賴有故人來懷抱差不惡孫
子關中豪操觚氣効磅礴陳子吳中彥才華雲錦若與我
夙同心所恨居寥廓今年喜相聚詩酒共醻醻俗作
非况
逢春氣和羣花開未落預期三月三攜手出城郭修禊
大江邊更上金山閣題詩鏤石壁似欲掩前作不謂及
茲辰狂風震林壑細雨復霏霏江天何漠漠舟師未敢
渡僧舍仍棲泊新詩互相賞高言雜諧謔但愧囊篋空
無錢具杯杓暑黑始言歸意慘不樂天生英傑才必
使稍揮霍如何我三人終歲長寂寞千謁良可羞飄零

竟無著不如各歸去空山事耕鑿

寄懷潘江如山中

君昔客淮陰臥病珠湖旁

生篤友誼日夜憂皇皇

醫藥費不貲然後保安康相邀入都門

馳騁風雅場豈

知范生死君翻治其喪執繩親送歸中心愈悲傷以此

病復作三年臥江鄉舌塞不能語知爲痰飲妨雖有二

男兒莫敢離匡牀生計日以促研田日以荒蔬食且艱

窘藥餌焉能良我今來潤州思君欲相望山深七十里

路不通舟航輿馬又無力私心實難忘擬偕談與孫徒

步躡山岡訪君茅簷下勸君寬愁腸愁思竟何益天地

終茫茫不如飲村酒懽樂殊未央

題丙丁龜鑑

有序

宋三衢柴望作丙丁龜鑑謂丙午丁未天之厄
運也自周末至宋末歷歷有徵今年丙午欲考
其書不可得偶於京口書肆中得之以示談長
益談作歌予亦題此

少小見此書三十年于茲上言丙丁歲天運有大災叶
屈指期尚遠我心忽畧之不謂瞬息間歲運倏已來叶
開春與人言世俗咸驚疑此書藏者少徧覓不得窺項
從京口市典籍棄如遺忽睹此書名亟收曷敢遲持歸
示談叟展讀共嗟咨斯言倘不謬三復能無悲

何雍南爲其先人乞詩因題此作

何生手一卷嗚咽前致詞若翁古君子懿熾人共知不
幸捐館舍未遂烏鳥私欲乞諸名賢歌詠表章之我故

與君善片言曷敢辭聞翁在堂日經史無不窺晚篤好
內典歸心于毘尼所以屬纊辰香霧盈庭帷教子當戒
殺葷腥亦非宜何生跪受教齋食遂堅持卽此事一端
已足徵孝思他年顯厥親况不止于斯

夏日楊嘉樹同從孫田伯見過感時有作

炎風扇六合川澤生黃埃老夫臥茅茨日午門未開忽
聞剝啄聲言有二客來一自鄱湖歸一自濟水回念我
不能忘徒步青谿隈艸堂雖云隘梧柳覆蒼苔其下綠
陰繁披襟何快哉况有茗與酒隨意飲一杯觸熱且未
行直至驕陽頽二子年正富掞藻皆奇才却愁文網密
纖悉成禍胎以此懷殷憂功名念俱灰不如返林壑放
浪無嫌猜是時新領科場條令嚴甚

合肥投贈龔芝麓尚書

往昔郭林宗葬母于介休送者數千人冠蓋如雲浮獨
有徐孺子步趾來南州負局以自隨絮酒升高丘主人
發濱歎此事遂千秋今年龔司寇葬母肥水陬送者亦
千百執綺皆名流我櫂自江東後期緣石光所愧磨鏡
客不足當獻酬猶記燕京日荷公膠漆投小別八九年
依依懷舊游轉借一杯酒聊以舒離憂

贈紀伯紫

君家孝侯臺我家桃葉渡相去不盈咫時時得良晤一
從徙冀州明月隱江樹把酒輒思君中懷向誰語隔江
猶歎遠况復燕關去三歲始歸來黑頭今已素傷哉貧
賤身漂泊隨所遇但得賢主人何須悲道路顧念長干

里父祖有丘墓多積買山錢仍回舊京住

贈山曉師

我昔從旅堂

胡彥遠

見公奏對錄其言雖禪宗其意在啟

沃宸眷一何隆賜衣

凡幾麓南歸臥茅茨了不驚寵辱

私心嚮往之無由遂瞻矚今秋客金斗

城名

公亦游太蜀

山名相遇稠人中隱隱意相屬清晨入荒刹爲我具茗粥

縱談六合外頗不厭更僕懷袖出新詩氣味淡如菊諷

詠至篇終幽香滿巖谷因言平生友旅堂交最篤姓名

達天聽徵召期可卜斯人寧餓死不願沾微祿獨于易

簣時待公始暝目公收其遺艸亟謀壽諸木虛名賴以

傳高風諒難續我今與公交亦不同流俗所恨日晚歸

聚散何迫促明歲過吳門攜衾就公宿

題杜蒼略冊子兼寄徐莘叟

有客從江東揚船涉肥水肥水不久停又入淡山裏問君何所之皋城訪知已知已者爲誰編修徐太史太史雖貴人曾懷絕塵滓三十登館閣四十歸田里縣車尚黑頭屢召不復起世人慕榮祿貪進弗知止勇退誰似公誠哉大君子平生好結交強半皆貧士簡傲如杜生臭味同蘭茝昨歲公五十欲往艱行李今秋始來壽高文燦如綺客窗持示我拊節歎其美我雖未見公神交亦久矣州郡本鄰接恨不隨步履借筆題此詩聊以寄聲耳他年會相遇投贈不止此

月夜過巢湖同張公上

前日湖上雨雨氣何濛濛天水勢相合孤帆但隨風今

西湖上月月色何曠曠煙波淼無際雙槳若乘空此景
誰領略詩人在舟中有酒斟酌之歌嘯驚秋鴻夜半猶
不寐直抵居巢東嗟彼往來者逸興焉能同

嘉興贈項嶠雪

我友顧與治嘗言項嶠雪裏毅之曾孫俶儻爲人傑平
生重意氣取友腸最熱贈童雖小事亦可觀一節中年
宦荆楚元非意所屑數月解組歸高義師前哲從此益
攻詩詩情何皎潔秋水匯鴛湖不受纖塵涅我心嚮往
之山川路阻絕今歲游嘉禾相訪意殊切君臥聞我來
倒屣不及曳亦言相慕久此日慰勞結因出顧翁詩十
年字未減珍重笥篋中開函尚悲咽冬青一尊酒山茶
花下設同心有二朱談笑共愉悦縱飲期終宵入夜安

忍別畱宿其書齋鶯聲四鄰徹天明始還寓清興猶巍
辭疾書二百言聊以盡曲折

讀畫樓詩爲周櫟園憲使作

以下丁未年作

周公有畫癖遠近無不搜丹青累千百一一皆名流擇
其最精者手自成較讎裝潢十餘帙林壑煙光浮置之
屏几間可以當臥游往歲逢世難家破身羈囚一切諸
玩好散逸如鳬鷗念此心不釋篋中長獨留辟彼趙子
固箬谿風壞舟手持蘭亭本笑立蘆花洲至寶幸勿失
其它復何求今年官南國署齋有高樓四面環青山居
然見皇州因取向所癖貯之樓上頭錫名曰讀畫退食
時稍休讀畫如讀書其義淵且幽苟非真博雅妙繕誰
能抽况公擅著作詩文垂千秋千秋果自命睥睨輕王

侯借問徐中山當年有此否

石埭訪姚六康明府

朝發冶城南暮宿牛渚西從此舍大江扁舟涉山谿
流四百里迅疾過奔馳節節是危灘上灘如上梯舟人
各努力曳牽聲酸嘶青山四面合綠條千重迷不聞雞
犬聲但聞子規啼崎嶇行八日乃始見村畦知爲古陵
陽仙令於此棲鳴琴臥高閣熏風被羣黎方春懷舊雨
寄我以尺幅上言縣僻小訟庭艸萋萋官閒無俗慮仰
首雲峰齊安得故人來永日同攀躋感此動予念言尋
桃李蹊長灘險却穩孤棹隨高低况我所著書亦欲君
品題持入署齋中開卷相與稽林巒信多美游賞惟君
攜仕隱迹雖殊素心終不睽

贈陳益受茂才

我來古陵陽山水清且麗假館臨谿流羣峰恣遙睇獨
惜城市中交罕無所詣聞有五大姓陳沈蘇湯桂散處
各村墟欲往路迢遞諸陳宅稍近益受才更銳策杖造
其廬一見如舊契欣然命杯酌邀我坐檐際相對無俗
言孳孳愛談藝問君昔所師芑山之高弟揮金助梨棗
動以千百計其書竟未行君家日以替此事古人難況
乃衰輓世老夫多著述白首窮篆隸恨不蚤遇君因緣
附剞劂古道今寂寥風流復誰繼

題周寶鋐夫人坐月浣花圖

秋月何皎皎照我庭中蘭蘭英四時苗香藥秋尤攢美
人臥空房深夜起長嘆見月愈增悽折花強爲懽呼兒

灌漑之勿令革葉乾月亦有時晦花亦有時殘良人久
不歸花月同誰看

謁蘇問卿祠兼贈其嗣君凝之

有客來舒谿停舟入山城城東見祠宇棟桷何崢嶸借
問祠者誰先朝蘇問卿曾爲瀘州守抗賊遂捐生厥配
亦殉難巴徼稱雙清 聖明方議恤國事逢變更易代
雖改步不泯惟忠貞此祠許里建邑宰供粢盛令子守
先志田居老躬耕好文復好客客至褰裳迎相對談往
事浪浪淚霑纓我來拜祠下懷古空傷情古人重節義
今人重科名科名何足道節義良非輕前有丁公黼後
有蘇公瓊兩公祠並垂千載流英聲

登陵陽山望黃山作

往聞陵陽山上有天柱擎天柱今不見但見雲巒重引
領望黃山燦若青芙蓉相去僅百里何爲阻遊筇朗吟
太白詩惆悵倚孤松彼有韓侍御尚云未從容我今無

地主欲往將焉從

却羨竇子明絳霄騎白龍

李太白有登陵陽天

桂石苔

韓侍御

招隱黃山詩

青陽道中見山家閑林甚多有感而作

夙性慕巖壑欲卜山中居一從羣盜亂山中竟無廬流
離三十年蹉跎五旬餘每於道路間見人好丘墟欹羨
不容已繼之以歎歎天生英絕才必期多讀書讀書旣
萬卷不獲乘軒車所願田數畝結伴惟樵漁此願亦易
遂胡爲獨斬予仰首問穹蒼悠悠意何如

贈吳山賓高士

樓山旣已沒

次

嶧桐亦云亡

伯宗

從此秋浦郡闇淡無晶

宗

光繼起有山賓獨步風雅場才華若雲錦志趣同雪霜

當其國變時年未三十強甘心廢仕進散髮歸農桑鍵

戶仍讀書經史靡不詳尤工古篆籀老筆凌漢唐李斯

及許慎剖析爭豪芒此道知者少鄰邑惟蕭湯

尺木居夫

未

審其所學與君誰短長我亦酷好此相思阻河梁今歲

陵陽遊因之到池陽入城先問君授徒招提旁披帷一

相見容鬢各已蒼未暇敘寒溫高言破鴻荒如飢餐玉

粒如渴飲瓊漿晨夕數相過懽樂未遽央

齊山

振策上齊山秋草被荒徑巖壑雖玲瓏峰巒却平正名
義當在茲匪由刺史姓况乎刺池者齊照非齊映厥誤

昉周叟公傳謫入邑乘司馬據爲實溫我獨不敢信樊
川九日詩聲意亦凡近和者何太多汨沒自靈性不如
岳鄂公矢口成高詠我少嘗遊此亭臺頗繁盛一從左
帥過毀折無復剩九頂及華蓋二洞尙虛靜我來坐洞
中不覺日將暝歸路涉長隄湖光淨如鏡

西廟

昭明梁太子嗜學稱文人如何千載後赫赫爲明神相
傳至秋浦食魚美而珍遂以貴名池惠愛及斯民斯民
感其義立廟湖之濱廟貌甚弘敞四山多松筠水旱必
祈禱其餘亦咨詢里社號土主崇拜永不湮我夙慕遐
輒今始出城闈取道乾明寺曲澗通江津所愧羈旅中
蘊藻難具陳仰首若應識臭味遙相親當年註文選佐

佑有六臣胡不列其廟配享垂千春

送高念祖游涇縣兼懷萬道吉

歲暮風雪寒高生來自越假館青谿廟遲未旬月又
欲溯大江孤帆待明發言過牛渚西桃花潭始歇先公
昔爲宰恩澤沁人骨至今四賢祠俎豆猶馨醉君往拜
其下仰首瞻崇碣父老咸來觀進酒供肴核新令苟賢
者感動念存歿分金潤行李諒不忍輕忽况君富才藻
逸氣凌溟渤雅游在山水匪直事干謁舊交有萬叟巖
居采薇蕨冒雪尋訪之松窗燔榦柂爲我寄相思數年
音問闕

戊申正月初四日恭謁

孝陵感懷六百字

下戊申年作

洪武改元初是爲戊申歲正月初四日始卽皇帝位
定鼎于江東率土歸平治文德武功全漢唐宋莫企瞻
彼鍾山阿佳哉鬱葱氣其上爲孝陵其下孝陵衛
松柏千萬株盡作虬龍勢高墉繞繞之守以中常侍春
秋祭有期非時孰敢詣吁嗟崇禎末羣盜起涇渭殺戮
逼中原民生日顚頽妖氛向京闕宗社遂顛墜野
人算天運甲子凡五易曆數僅三百尚短二十四每逢
履端日仰天必長喟矧茲戊申年安能免悲涕開正第
四朝策蹇出通濟直指朝陽門陵寢須臾至延頸望
鍾山萬松失蒼翠雖有翁仲石冠劍已破碎猶喜享殿
存黃瓦幸未毀_去中間楠木柱斧鑿痕如織寶城雖堅
固龍樓已凌替守陵仍有官乃荷新朝賜獨惜白

頭監僅供灑埽事樵蘇那得禁閒人任游戲方春風日和展易雜車騎兒輩皆懵懵父老或歎欷追憶卅年前陪京當盛世臣兄方孔炤適官尚寶司八月秋祭辰兼攝太常寺許携子弟入臣文臣以智相隨至齊宮終夜不遑寐散步御河橋明月吐松際忽見羣鹿來觸人了不忌項下懸金牌上銕永樂字以手探取看餅餌隨所飼雞鳴鐘鼓動千官立堦次拜舞各分行咫尺凜天威古音
畏野臣行殿中屏息觀禮器祭品悉從儉深歎祖宗意所恨貧賤身青雲不自致尚云齊刀剛鉛刀終一試豈知轉盼間朔方舉烽燧江南成土崩勿復有防備皇都且不保皇陵復誰庇松栢斬爲薪麋鹿射作哉遂令燕雀湖荒殘似邊地在佐百君子鮮不戀富貴

一二草莽臣稍知顧名義戢影巖穴中餓死亦不悔每
逢履端日仰天必長喟矧茲戊申年安能免悲涕所以
謁孝陵問人少同志嘉興朱茂昉宰輔之後裔世受
國恩深不敢忘所自今春偶游此與我約連轡出城同
一慨未拜先酸鼻拜罷不能起汎瀾淚沾袂因作此詩
篇姓名得附記

酬徐子能見贈之作并柬吳公令

徐子來舊都假館吳郎宅吳郎好風雅亦復好賓客矧
君同里人海內稱詞伯其家故善釀罌瓮如山積麴米
氣薰蒸中間有芳澤所謂筍香樓琅玕色深碧下榻恒
在茲琴書頗自適因取近代詩排比供彈射能以汝南
評直奪鍾嶸席我雖未見君神交本夙昔今春才握手

懽狀成莫逆贈我初度吟歌聲出金石欲置一尊酒相
邀共晨夕柰君患風痺乃有皇甫尼足不過門樞焉能
著雙屐惟持所著書數數來請益爲我語吳郎斗酒應
不惜

鄧木上招同諸子集萬竹園看牡丹得十六韻

今之鳳凰臺乃是古瓦官峩閣雖陵替香林未凋殘瓦
官西南隅有竹千萬竿隆冬色深碧炎夏亦陰寒鄧公
闢爲園結構弘且寬疏泉作方沼壘石成危巒種植皆
名花絕艷惟牡丹年年暮春月無數雲錦圍公子方妙
齡吐氣如芳蘭興言花開日賞詠恣游觀所招悉耆舊
緝御供盤餐移尊就花下縱飲靡不懽因思卅年前南
都盛詞壇一從世變後嘉會何其難主人敬愛客向夕

情未殫笑指紅藥開乘興還來看

齒有欲落不落者因作此詩

人生血氣衰往往齒先落譬如中庭樹逢秋葉自脫欲落落則已在口亦不惡何爲動搖時其筋尚聯絡發言微窒礙食肉費咀嚼用力拔除之堅固復如昨因思世間物根柢各有託去留任天運非人力可著吾老好讀書聰明年少若飲量亦未減涼宵且斟酌

送石谿師還武陵兼寄劉山臞先生

城南三十里有古幽棲寺懶禪曾居此百鳥銜花至四祖遠相訪石上書佛字片言領衆妙遂了因緣事貞觀到於今千年復誰嗣大師來自楚愛此巖壑遂掛瓢經十霜二老同定慧獨惜山中僧無一知此意師今下山

去山靈亦抱愧所願還復來重瞻花鳥異

今之談禪者多不解詩書反謂文字障一切當埽除及
攷其胸中媿淺而麤疎吾最厭此輩佛法何關渠師本
吾儒氏中年學浮屠稟性寡所諧不喜徒衆居閒情寓
筆墨天矯虬龍如其妙誠難言觀者惟歎歎昔贈我長
卷聳嶂千里餘藏之笥篋中後代垂令譽

三楚皆中兵湖南地更苦昔日桃花源如今盡豺虎師
有二親喪藁葬于淺土未免蟲水患聞之淚如雨今秋
歸故園兆宅遷林塢城荒難久留仍棲此巖戶六朝遺
梵刹所在案石古士夫好禪悅奉師教化主吾兄忝蘭
臭予亦承法乳趨駕向江東相依老林藪

武陵山水秀往往生奇人我友鎔憲使高義無比倫避

近歷山下懽若平生親出其五男兒俱爲席上珍因言
量移後倘得南都鄰束帛迎我往經義相咨詢感此意
良厚佇望來江濱奈何六七載其官尚遷達俗云客妨
主斯語豈無因爲我寄尺書離懷難具陳

喜湯荊峴使君見訪卽書其母恭人節烈傳後

古木挺窮巷青蘿覆荒廬商飈亦已至落葉聲疎疎有
客扣我門云是湯秘書秘書夙所慕握手中裏舒因言
母氏賢昔在危城居一朝遇羣盜白刃臨階除罵賊嬰
其鋒生氣猶凜如當路以上聞恩綸表君閭至今睢水
上節烈名非虛有子負奇才弱冠登石渠出使潼與韻
仁風被樵漁性不愛簪組荷衣返其初往來江淮間遺
民樂相於時時爲阿母乞文揚令譽投我孫翁傳讀罷

增欵獻敬賦此詩篇所愧非瓊琚

黟縣懷古二百字

老我來黟城旅况甚蕭索閒思探古跡古跡亦寥落惟有薛公井云是薛稷鑿稷嘗爲黟令九井皆所作居人反不知一笑付冥漠城北有碧山云是李白棲太白碧山詩不言其在黟我今訪遺宅文獻無可稽流水清且淺安得桃花谿其地恐非真四顧煙雲迷八公昔游涇宛溯洄至長林曾陟陵陽巔遙望黃山岑寄詩韓侍御多謝相招尋借問新安水見底千尺深似未到黟歎延頸惟高吟後來黟歙間云公蒞茲土采掇其詩篇因之賈林藪可見賢哲士片言重千古當時盡夢夢誰肯作地主異代始攀援失真亦何取

桃嶺道中

輿夫行半百蹣跚欲弛肩我亦安忍坐徒步輕且便况
有青藤杖扶我上山巔山巔至山麓足繭履亦穿輿夫
相告語此老仁而賢彼旣惜我力我力尚未愆柰何使
彼困勇猛昇之前前村十餘里遠望見炊烟野店可以
宿村酒當爐邊我亦安忍飲多與輿夫錢上下取微醺
一夜齁齁眠來朝陵陽郭始上舒谿船

畱別姚六康明府三首

仲冬石門游取道陵陽麓陵陽何其高石門何其促人
品相懸絕亦似巖與谷谷冷不可畱巖溫會當復
君本王佐才屈身爲傲吏自云家麤足不屑營祿利俸
錢隨所得悉以貺同志斯言今亦無豈但無此事

窮老甘閉門著書垂不朽無如飢寒迫東西日奔走俗
眼多夢夢玉石誰能剖稍可具餧粥亦不累吾友

張夢敦庶常見訪有作賦此酬之

以下己酉年作

與君離別久音問亦復疎稍喜木厓子

潘蜀藻別號

時時寄

我書道君相念深詩格常推余感此意良厚恨不同室
居今春渡江來枉駕先蓬廬新詩出懷袖投贈情非虛
貧家無所有斗酒及園蔬所願重相過小酌中懷舒

惠山游秦園作

同周子叔湯雨七顧茂倫吳弘人

穀曰屬初夏輕舟出城河言尋秦氏園乃在惠山阿其
中水渟泓四面皆盤渦喬木旣輪囷樓臺復嵯峨主人
前有約載酒同來過今晨以疾辭柰此風日何我友動
高興攜手穿烟蘿豈必主人在所得亦已多獨惜予將

歸焉能久婆娑相送立河干林風吹夕波

贈湯雨七

湯君淵雅士遯跡具區東所志在千古弗與時人同其詩似中唐柔婉而多風其書倣章艸矯健如飛鴻更奇是繪事匠心妙無窮曾作百幅水大巧奪天工君不求人知衆人亦夢夢所以年半百聲名猶未崇今偶游苔上與我意潛通我笥有巨冊圖畫四老翁請君一寓目廷竚睨秋空因之作四石屹立波濤中以比四王子嵯峨爲世雄感此未能報言歸復匆匆安得鶯脰湖從君結幽蓬